

Mañan diadomingo **Otro Butishi di Alegria** **special dedica na “Rhoda** **Frigerio”**

Produccion Tromp (Eddie cu Ito Tromp) ta presenta mañan, diadomingo, un programa special di Butishi y Alegria, dedica na nos gran soprano Arubiano, Rhoda Frigerio, kende un par di siman pasa a fayece na Hulanda.

E programa aki ta pasa na Radio Kelkboom, 106.7 riba banda FM y ta cuminsa pa 2 or di merdia.

Den e programa special aki Eddie cu Ito ta combersa cu Edwin Abath, alumno di Rhoda, cu Toti Arends, musico y compositor, kende a compaña Rhoda hopi biaha na piano; y cu Maybeline Arends-Croes, e persona kende a sigui e pasonan di Rhoda, despues cu el a bai Hulanda.

Tambe por scucha cancionnan cu Rhoda a canta, e.o. cu e grupo musical Los Caciques y tambe un cancion di su yiu Rudy Stone. No perde e programa special aki, cu Produccion Tromp ta presenta pa recorda nos soprano, Rhoda Frigerio.